

Bosna i Hercegovina
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-Su-26-000080
Sarajevo, 02.06.2026. godine

Na osnovu odluke o pokretanju postupka prodaje službenog motornog vozila putem ponovljenog javnog nadmetanja- licitacije, sistemom zatvorenih pismenih ponuda broj 009-0-Su-26-000080 od 01.06.2026.godine, uz prethodno pribavljenu saglasnost Vlade Kantona Sarajevo broj:02-04-17803-10/26 od 16.04.2026. godine, Kantonalni sud u Sarajevu objavljuje:

JAVNU LICITACIJU
za prodaju službenog motornog vozila marke Mazda CX-7

1. PREDMET PRODAJE

Kantonalni sud u Sarajevu, putem ponovljenog javnog nadmetanja – licitacije, sistemom zatvorenih pismenih ponuda, prodaje službeno motorno vozilo slijedećih karakteristika:

Marka i tip vozila: Mazda CX-7
Godina proizvodnje: 2009.godina
Broj šasije: JMZER893600121994
Broj motora: LR20326840
Zapremina motora: 2261cm³
Snaga motora: 191 kW
Gorivo: Benzin
Pređeni kilometri: 144700
Boja: Crna
Stanje vozila: Vozilo je u voznom/ispravnom stanju
Registracija: Neregistrovano

Početna licitacijska cijena: 6.000,00 KM

2. PRAVO UČEŠĆA

Pravo učešća u postupku javnog nadmetanja – licitacije, sistemom zatvorenih ponuda, imaju sva pravna i fizička lica koja prije utvrđenog roka za licitaciju uplate depozit u iznosu od 10% od početne prodajne cijene vozila, odnosno 600,00 KM.

Uplata depozita vrši se na transakcijski račun Budžeta Kantona Sarajevo 102-050-00000365-67 otvorenog kod Union banke d.d. Sarajevo kako slijedi:
Primalac: Budžet Kantona Sarajevo
Transakcijski račun broj: 102-050-00000365-67 Union banka d.d. Sarajevo
Svrha uplate: Javno nadmetanje – licitacija za prodaju službenog motornog vozila u Kantonalnom sudu u Sarajevu.
Organizaciona jedinica 2401001

Pravo učešća u postupku licitacije nemaju zaposleni u Kantonalnom sudu u Sarajevu i članovi njihove uže porodice.

3. PREGLED VOZILA

Vozilo koje je predmet licitacije prodaje se po principu „viđeno-kupljeno“, bez naknadnih prigovora i žalbi koje se odnose na predmet prodaje.

Vozilo se može pogledati na parking prostoru ispred Kantonalnog suda u Sarajevu, u ulici Šenoina broj 1. Općina Centar Sarajevo, svaki radni dan od dana objave javne licitacije, u periodu od 09:00 do 15:00 sati, uz prethodnu telefonsku najavu na broj telefona 062/460-769 Admir Mašić ili 061/298-537 Selmedin Busnov.

4. DOSTAVLJANJE PONUDA

Ponude se dostavljaju lično ili putem preporučene pošte, na popunjenom obrascu iz ovog oglasa (Prilog 1-može se preuzeti na web stranici suda), u zatvorenoj koverti sa naznakom „NE OTVARAJ - Ponuda za kupovinu službenog motornog vozila Mazda CX-7 “.

Da bi ponuda bila valjana treba da sadrži:

a) za fizička lica:

- uredno popunjen i potpisan Obrazac za cijenu ponude (koji se nalazi u prilogu ovog oglasa- Prilog 1)
- kopiju lične karte,
- kopiju transakcijskog računa banke sa pozivom na broj na koji će se izvršiti povrat depozita,
- dokaz o izvršenoj uplati depozita (kopija)

b) za pravna lica:

- uredno popunjen, potpisan i pečatom ponuđača ovjeren Obrazac za cijenu ponude (koji se nalazi u prilogu ovog oglasa - Prilog 1),
- ovjerenu kopiju izvoda iz sudskog registra (ne starija od 6 mjeseci) ili potvrde o poreskoj registraciji (JIB),
- kopiju transakcijskog računa banke sa pozivom na broj na koji će se izvršiti povrat depozita,
- dokaz o izvršenoj uplati depozita (kopija)

U slučaju ličnog dostavljanja, ponude se dostavljaju u prijemnu kancelariju Kantonalnog suda u Sarajevu (kancelarija broj 2), svaki radni dan u periodu od 08:30 do 15:30 sati.

Krajnji rok za dostavljanje ponuda je 12. juni 2026. godine do 15:00 sati.

Jedan ponuđač može dostaviti samo jednu ponudu.

Ponude koje ne budu pripremljene u skladu sa naprijed navedenim, ponude koje budu primljene u Kantonalni sud u Sarajevu nakon isteka naznačenog datuma i vremena, bez obzira kada su poslone, i ponude čija je ponudena cijena za vozilo manja od utvrđene početne cijene vozila,

smatraće se neblagovremenim, odnosno nepotpunim i kao takve neće se uzeti u razmatranje.

5. JAVNO OTVARANJE PONUDA I TOK LICITACIJE

Javno otvaranje dostavljenih ponuda održat će se na adresi kantonalnog suda u Sarajevu u ulici Šenoina broj 1., Sarajevo, u kancelariji broj 246/II u ponedjeljak 15. juna 2026. godine, sa početkom u 14:00 sati.

Javnom otvaranju ponuda mogu prisustvovati ponuđači – fizička lica koja su dostavila ponudu uz predočenje identifikacijskog dokumenta, odnosno osobe ovlaštene u ime pravnog lica za učešće na javnoj licitaciji, uz pismeno ovlaštenje.

Kriterij za vrednovanje ponuda i izbor najpovoljnijeg ponuđača je najviša ponuđena cijena koja ne može biti manja od početne prodajne cijene vozila utvrđene u tački 1. ovog oglasa.

Na otvaranju ponuda nije moguće mijenjanje cijena ponuđača, niti uslova ponude. Prije početka javnog otvaranja prispjelih ponuda ponuđač može na osnovu pismenog zahtjeva povući svoju ponudu, te će mu ponuda biti vraćena neotvorena. Ponuđač neće moći povući ponudu ukoliko je komisija započela javno otvaranje prispjelih ponuda.

Postupak nadmetanja- licitacije počinje registracijom ponuđača, koja podrazumijeva provjeru identiteta podnosioca ponude, zakonskog zastupnika ili punomoćnika.

Predsjednik komisije otvara pristigle ponude, čiji sadržaj unosi u listu ponuđača, koja sadrži: naziv ponuđača, redni broj ponude po prispjeću, ponuđeni iznos i prihvatljivost ponude.

Nakon otvaranja blagovremeno pristiglih ponuda, javno se saopštavaju ponuđene cijene, te se utvrđuje lista ponuđača, koji se ponudili istu ili višu cijenu od utvrđene početne cijene, počevši od ponuđača sa najvišom ponuđenom cijenom.

Ako se na javnu licitaciju odazovu dva ili više ponuđača sa istom cijenom koja je ujedno i najviša cijena ponude, Komisija će pobjednikom proglasiti ponuđača koji je ranije dostavio ponudu po datumu i vremenu prijemnog štambilja u prijemnoj kancelariji suda, odnosno datumu predaje pismena u poštu.

Ako se na javnu licitaciju odazove samo jedan ponuđač i da ponudu na početnu cijenu ili veći iznos, isti se proglašava pobjednikom licitacije.

6. OBAVEZE KUPCA

Ponuđač čije je ponuda najpovoljnija, odnosno kupac, dužan je pristupiti zaključenju ugovora u roku od 3 (tri) radna dana od dana proglašenja pobjednikom licitacije. Kupac je dužan za kupljeno vozilo uplatiti puni iznos postignute cijene u roku od 5 (pet) dana od dana potpisivanja ugovora.

Uplata punog iznosa kupoprodajne cijene vrši se na transakcijski račun Budžeta Kantona Sarajevo 102-050-00000365-67 otvorenog kod Union banke d.d.Sarajevo, organizaciona jedinica 2401001, svrha uplate: Kupovina službenog motornog vozila Kantonalnog suda u

Sarajevu marke Mazda CX-7.

Vozilo se preuzima u viđenom stanju, po uplati ugovorene cijene.

Sve poreze, troškove prenosa vlasništva, transporta, preregistracije, osiguranja i ostale troškove u skladu sa zakonskim propisima snosi kupac.

Sud neće davati garanciju u pogledu stanja, funkcionalnosti, izgleda, kvaliteta, skrivenih ili drugih nedostataka.

7. DODATNE INFORMACIJE

Učesnicima u Javnoj licitaciji čije ponude ne budu prihvaćene, uplaćeni depozit od 10% bit će vraćen po okončanom postupku licitacije. Pobjedniku licitacije depozit će biti vraćen po realizaciji kupoprodajnog ugovora.

Sud ne snosi nikakve troškove ponuđaču u postupku javnog nadmetanja.

Ako kupac odustane od kupovine nakon što je njegova ponuda prihvaćena, odnosno ne pristupi sklapanju ugovora ili ukoliko nakon zaključenja ugovora kupac odustane od njegove realizacije, uplaćeni depozit od 10% mu se neće vratiti, a sud zadržava pravo dodijeliti ugovor prvom sljedećem ponuđaču sa liste uspješnih ponuđača.

Da bi licitacija bila uspješna mora biti dostavljena najmanje jedna valjana ponuda.

Sažetak teksta ove licitacije bit će objavljen u dnevnim novinama „Dnevni avaz“, te na web stranici Kantonalnog suda u Sarajevu (ksud-sarajevo.pravosudje.ba).


PREDSJEDNICA SUDA
Jašenka Potogija

OBRAZAC ZA CIJENU PONUDE*

**PONUDA ZA
KUPOVINU MOTORNOG VOZILA
MAZDA CX-7 PUTEM JAVNE LICITACIJE**

(Naziv pravnog lica ili ime i prezime fizičkog lica)

(Adresa)

(Broj telefona)

(JMBG za fizička lica)

(ID broj za pravna lica)

(Iznos ponude)

(slovima)

(Potpis (i pečat za pravna lica))

* Uz ponudu obavezno dostaviti:

- fizička lica: kopiju lične karte; pravna lica: ovjerenu kopiju izvoda iz sudskog registra (ne stariju od 6 mjeseci) ili potvrde o poreskoj registraciji (JIB),
- kopiju transakcijskog računa banke sa pozivom na broj na koji će se izvršiti povrat depozita,
- dokaz o izvršenoj uplati depozita od 10% od početne cijene motornog vozila, odnosno 600,00 KM